

曰彗皆本類星末銳也甘氏曰廼生本類星末類彗然則彗星者猶本可見星歟

乙巳占云凡候雲氣之法初出若雲非雲若霧非霧凡遊兵之氣无根本或如疋布或兩頭銳見云々如此之類不可勝計今件氣色白合此等說若可謂客氣歟彗字雲各以體異何爲彗星哉

右件客氣始自去朔日庚戌曉所見也仍勒古文奏聞先了而師任朝臣申彗星天變惟星雲相違重可辨申者謹以勘申如件

天喜四年八月廿六日

陰陽頭安倍朝臣章親

〔扶桑略記二十九〕天喜五年八月四日寅刻彗星見東方長丈餘

治曆二年三月六日曉彗星東方見

〔扶桑略記二十九〕治曆二年四月一日酉刻彗星西方見司天之所奏災孽可慎

〔百練抄五〕承德元年九月一日以後彗星見西

〔諸道勘文四十五〕謹奏 變異事

一今月四日丁酉昏酉刻彗星出子坤方芒指震方觸夫倉星及天苑星間長十許丈色白同六日夜光

芒已微長一許丈同七日夜頗東行長三四尺許同八九日夜天陰不見同十一日夜又東行同十二

三四日夜天陰不見同十五日夜東行長二許丈

略中

右變異勘錄如件抑瑞祥志云彗星見長大災深其短小災淺云々今見芒氣既及半天譴告之至不可

不慎重檢天文書云彗星何熒惑逆變也不救則下謀上救修政爲善則國安社稷寧又云君爲禍則彗

星出又云彗星冬春見爲小凶云々以之謂之彌理政修德變凶爲吉歟今管見之至謹以申聞謹奏

長治三年正月十七日

正五位下行大外記兼主計權助助教中原師建

〔百練抄五〕嘉承元年正月四日彗星見于坤方長十許丈卅餘日而滅

〔百練抄五〕天永元年五月十三日彗星見東方長五尺